

վարչական տույժ նշանակելու մասին

13 հոկտեմբերի 2020թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Ռաֆիկ Մկրտիչի Պետոյանի (հասցե՝ ք.Գյումրի, Շիրակացի 48, բն.32, անձնագիր՝ AS 0628877, ծնված 16.04.1993թ.) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Ռաֆիկ Մկրտիչի Պետոյանը 04.08.2020 թվականին թիվ 05100033/040820/0030314 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք է ներմուծել 2008 թվականի արտադրության BMW մակնիշի փոխադրամիջոց, որի նշանակման մաքսային մարմին՝ Հյուսիսային մաքսատուն-վարչություն, հասցնելու ժամկետ էր՝ 14.08.2020 թվականը:

Փաստի կապակցությամբ 17.08.2020 թվականին Ռաֆիկ Մկրտիչի Պետոյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

Գործի քննությունը նշանակվել է 13.10.2020թ. ժամը 11:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: Ծրարն ետ է վերադարձվել «Փլված շենք» նշագրումով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության

մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100.000 դրամի չափով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ Ռաֆիկ Մկրտիչի Պետության սահմանահատումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության թիվ Ն/2-5/128839-2020 գրությամբ տրամադրված տեղեկությունների համաձայն Ռաֆիկ Մկրտիչի Պետությանը 06.01.2020 թվականին Բագրատաշենի սահմանային անցակետով մուտք է գործել ՀՀ: ՀՀ մաքսային օրենսգրքի 219-րդ հոդվածի 2-րդ մասի համաձայն՝ Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Տվյալ դեպքում պարզվում է, որ ՀՀ ՊԵԿ Ներքին անվտանգության վարչության տրամադրված տեղեկությունների համաձայն Ռաֆիկ Մկրտիչի Պետությանը 06.01.2020 թվականին Բագրատաշենի սահմանային անցակետով մուտք է գործել ՀՀ և ներկա դրությամբ հայտնի չէ նրա գտնվելու վայրը: Հարցումներ են կատարվել նաև ՀՀ կադաստրի կոմիտե և ՀՀ ոստիկանության անձնագրային և վիզաների վարչություն՝ Ռաֆիկ Մկրտիչի Պետության անվամբ ՀՀ-ում գրանցված գույքի և հաշվառման վայրի վերաբերյալ տեղեկություններ ստանալու նպատակով: Պատասխան գրություններով

հայտնվել է, որ վերջինիս անվամբ ՀՀ-ում անշարժ գույքի նկատմամբ սեփականության իրավունքի պետական գրանցում կատարված չէ, ինչպես նաև ՀՀ ոստիկանության անձնագրային և վիզաների վարչություն բնակչության պետական ռեգիստրի տվյալների համաձայն՝ Ռաֆիկ Մկրտիչի Պետոյանը 30.03.2010թ. հաշվառված է ք.Գյումրի, Շիրակացի 48, բն.32 հասցեում: Տվյալ հասցեն այն հասցեն է, որից ետ է վերադարձել ուղարկված ծանուցագիրը՝ «Փլված շենք» նշագրումով:

Այսպիսով, վարույթի նյութերով հիմնավորվում է, որ Ռաֆիկ Մկրտիչի Պետոյանը սահմանված ժամկետում տրանսպորտային միջոցի համար մաքսային հայտարարագիր չի ներկայացրել, ինչով պայմանավորված թույլ է տվել ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Ռաֆիկ Մկրտիչի Պետոյանին ճանաչել զանցառու ՀՀ մաքսային օրենսգրքի 195-րդ հոդվածով և նրա նկատմամբ նշանակել վարչական տուգանք 100.000 ՀՀ դրամի չափով:
2. Որոշման մասին հայտնել Ռաֆիկ Մկրտիչի Պետոյանին:
3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

*Սույն որոշմամբ նշանակված տուգանքն անհրաժեշտ է վճարել **900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈԴ 28):***

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ

Ն.ԳԵՎՈՐԳՅԱՆ